

da bey / der sind drey / noch mussens niche  
drey Götter sein. Es ist droben gesagt / was  
da heisst / der **DEXX** Predigt im namen des  
**DEXXN** / Nemlich / das Ihesus Christus  
sey dieser Prediger / Gott vnd Mensch / der im  
namen seines Vaters / vom Vater gesand /  
vnd von seinem Vater / Mose / das ist / dem  
Volck Mose gepredigt hat / von eitel Gnade  
vnd Barmhertzigkeit / das niemand durchs  
Gesetz / weil es niemand hellt / kan gerecht wer  
den / Eben die selbige Predigt thut er hie  
auch / mit andern Worten da er spricht / Der  
**DEXX** tritt bey Mosen vnd Predigt / Was  
rumb tritt er bey Mose / vnd nicht vber im  
oder fern von im ? Die zwey Predig ampt /  
Gesetz vnd Euangelion / müssen bey einander  
sein / ob wol die geschafft vngleich sind / Denn  
Mose Predigt von Sunden / vnd Tödtet das  
durch / Christus Predigt von Gnaden / vnd  
macht Lebendig dadurch / Doch kan Gnade  
nichts schaffen / wo durchs Gesetz nicht zu  
vor die Sunde offenbart vnd erkand ist / Der  
**DEXX** Christus spricht selbs / Matth. 11.  
Er Predige den Elenden das Euangelion /  
vnd den verlornen schaffen Israel / das ist / die  
sich durchs Gesetz verloren fulen.

Was Predigt nu der **DEXX** bey Mo  
se vnd fur Mose / Er Predigt (spricht er) vom  
**DEXXN DEXXN** Gott / Gnedigem vnd  
Barmh

cy Warum p'digt  
man dan das  
gesetz so allm?